

BAO DI LIDERAZGO DI BETICO CROES LO MAXIMO A SER LOGRA

SEGUN PRESIDENTE DI STATEN SR. PEDRO BISLIP

ORANJESTAD: Ayera mainta a tuma lugar pa diez or den sala di parlamente e session special di parlamento pa den un forma solemne duna colegio di Staten e oportundidad pa recorda y rindi homenaje na Sr. Betico Croes, ex-miembro di parlamento kende a significa tanto pa su isla ariba tereno politico y estatal.

Presidente di Staten Sr. Pedro Bislip a cuminsa na splica cu dianzon dia 26 di november 1986, tabata un dia tristo pa comunidad Arubano y lo keda un fecha inborable den mente di pueblo.

Durante 11 luna largo pueblo tabata carga e speranza cu e estadista aki lo recorda su salud.

"Pero nos Creador a dicidi otro y nos pueblo como ben cristian mester sa di acepta y somete nos mes na su decision.

"Aruba a perde un gran politico cu a laga un vacio grandi atras, cu dificilmente por ser yena", el a laga sa.

Sr. Bislip a sigui bisa cu Sr. Betico Croes tabata un perso-

na cu atravez di su conviccion, su determinacion y su perseverancia y cu tabata convivi profundamente cu deseo di nos pueblo, a eleva su mes na un nivel di estadista di talla cu a laga respet paden y pafu di reino hulandes.


Sr. Bislip a ripiti locual el a bisa caba anteriormente: "cu con cu bo mire, sea bo ta simpaticante of colaborador, sea bo ta contrincante politico of bo no ta di acuerdo cu e forma cu e tabata hiba a cabo su politica y pensamentonan--aki mi ta referi na henter reino hulandes--nos, cu nos mes, di reconece su prestacion valioso y su prestacionnan y meritonan ariba tereno politico y estatal.

"Y cu e reconocimiento aki mester haya mas bator y realce ora nos pasa na revista e desarrollo ariba tereno estatal y nos yega na dos verdadero conclusion. 1 cu ta door di su determinacion, na comienzo di e decada 70 un aire nobo a cuminsa supla ariba deseo di nos pueblo, entorno di su estructura politica cu ya tabata duna se-

ñal y tabata desvaneciéndose, despues di e lucha di su antecesor nan ariba e mes un terreno aki. 2 Door di su conviccion y perseverancia, Aruba a haya su Status Aparte, aunque no manera e deseo tabata originalmente. Den su carera politica el a experiencia tambe hopi biaha e reto dificil, caminda su carera politico tabata den wega, pa cumpli cu e deseo di su pueblo. Por ehemplo, e temporada dificil entre 1976 y 1978 cu a culmina den e protocol di 20 di april 1978, entre gobierno di reino, gobierno central y un delega-

cion di Eilandsraad di Aruba encabeza pa su persona. Tambe e periodo 1980 pa 1983, durante tur e deliberacionnan, discusionnan, debatenan, cu a duna como resultado despues di e conferencia di mesa rondo na maart 1983, cu awe nos por disfruta di e fruto cu Aruba ta un pais den Reino Hulandes.

"Hunto cu su delegacion e tabata sabi di usa e habilidad y maestria cu e tabata posee na e momento



propicio pa asina sobrepone, y sali ileso politicamente y di e forma ey saca ventaha pa su isla natal. Esaki ta dyes pa iustra algun di e numeroso hecnonan marcante den e trayectoria politica di e yiu di tera aki", Sr. Bislip a splica.

Tambe el a muestra cu dia 30 di juni 83, den e mes sala di parlamento, durante un reunion publico, el a expresa e siguiente frase: "Den mi concepto, un

cu a traha incansablemente enparticular ariba tereno estatal, ta Sr. Betico Croes", el a bisa agregando cu e ta subraya e frase ey di fondo di su carazon.

"Dia 6 di juli 1985, mi a declara durante reunion publico

Eilandsraad pa trata cambio di statut, cu e decision ey ta di gran bator y importancia pa nos pueblo, aun mas pa e generacion cu lo

sigui y cu nos no tin e pretencion cu loque a ser logra ta perfecto.

"Pero si mi ta inclina na acepta cu bao di e circunstancianan actual e ta e maximo cu por a wordo logra.

"Awe mi ta subraya cu locual a wordo logra bao di liderazgo di Sr. Betico Croes, tabata en efecto e maximo cu por a wordo logra", segun Sr. Pedro Bislip.

PRESIDENT DI STATEN TAMBE A PIDI PA DECRETA PLAZA BETICO CROES

ORANJESTAD: For di diaviera por a ripara con lista tabata bay rond pa wordo firma cu e peticion, pa Plaza 18 di maart, denomina tambe como Plaza Himno y Bandera, y Plaza Libertad, ser nombra na honor di Sr. Betico Croes.

Ultimo dos dianan constantemente esaki tabata ser mencion, mirando cu Isla di Bonaire, for di momento cu tabata conoci cu Sr. Betico Croes, a fallece, como gesto di amistad, mes ora a nombra un caya na e Gran Lider Arubano.

Peticionnan lo bay aden pa gobierno

decreta e plaza na nomber di Sr. Betico Croes, un decision cu lo no ta dificil pa ser tuma, ya cu pa e pueblo, ya caba e plaza aki ta carga e nomber ey, esta Plaza Betico Croes.


Den su elocucion ayera mainta den e reunion solemne di Staten, Presidente Sr. Pedro Bislip tambe a referi ariba esaki.

El a bisa entre otro:

Den su elocucion, el a sigui menciona cu como historia sa ta cruel y sa tin inclinacion di muestra un banda menos agradable door di cuestiona lo-

gronan di uno cu ya ta pertenece na historia, e kier enfatiza cu ta su ferviente deseo cu e futuro generacion lo mustra comprension pa e circunstancianan bao di cual y pa e epoca cu e decisionnan a ser tuma bao di liderazgo di Sr. Betico Croes. Mescos cu tur ser humano, den tur su esfuerzonan e tambe lo tabata tin su fallo.

"Pero si mi ta keru su meritonan ta di asina un gran bator cu su fallonan lo no haci influencia ariba nos. Mi ta convenci cu e Arubiano lo sa di conserva e locual Sr. Betico Croes a traha asina



tanto y duro pe. Mi ta kere cu ta na su lugar cu como gesto pa tur loque e yiu di tera aki

a presta pa su isla y su pueblo, pa gobierno decreta e plaza caminda su restonan ta repo-

sando na e momento nan aki como Plaza Betico Croes.